

17 IULIE
RUGACIUNEA 2
SF. MARI MUCENITE
MARINA DE LA ANTIOHIA PISIDIEI

Молитва

О святая дево и великомученице Марино, истинная Жениха твоего Христа невесто, во граде Антиохии за веру Христову пострадавшая, сквозе огонь и воду прошедшая и в Царствии Небеснем водворившаяся! Ты от юности всею душою и всем сердцем возлюбила еси Христа, Бога нашего, Тому единому послужити желаючи. Ты силою благочестия своего, целомудрием и праведностию просияла еси, поживши свято и непорочно посреде неверных. Ты, благодатию Божию от ран дивно исцеленная, изумила еси мучителей твоих и многих неверных привела еси к познанию Истиннаго Бога. Ты силою Божию попрала еси диавола, явльшагося пред очима твоима, и благодать прияла еси во брани врага рода человеческого побеждати. Ты еси всея Церкви Христовы светильник пресветлый, теплая к Богу молитвенница и всем прибегающим к тебе с

верою скорая заступница. О святая Марино, руководи нас к Небесному Отечеству, подаждь нам ревность о спасении, направи стопы наша к деланию заповедей Христовых, на путь подвига духовнаго и исправления жизни. Поминай нас молитвою твоею, помози всем нам жити целомудренно, праведно и благочестиво. Услыши ны, страстотерпице Христова, и умоли Человеколюбца Бога, да подаст Он ходатайством твоим Отечеству нашему мир и благоустроение, всем православным христианом утверждение в вере, благочестии и чистоте, да укрепит в нас братскую любовь, да очистит нас, грешных, от скверны и пороков, да сохранит нас от действия вражия, и помилует Своею благодатию, и Царствия Небеснаго наследники соделает, идеже купно с тобою прославим дивнаго во святых Своих Бога, Отца и Сына и Святаго Духа, всегда, ныне и присно, и во веки веков. Аминь.